

ქალაქ ბათუმის მუნიციპალიტეტის საკრებულოს

განკარგულება №

2025 წლის _____ სექტემბერი, ქ. ბათუმი

ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე (ს/კ N05.30.09.075; N05.30.09.076) წარმოდგენილ გეგმარებით ერთეულზე განაშენიანების დეტალური გეგმის კონცეფციის დამტკიცების თაობაზე

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ე“ ქვეპუნქტის, 61-ე მუხლის მე-2 პუნქტის და საქართველოს მთავრობის 2019 წლის 3 ივნისის N260 დადგენილებით დამტკიცებული „სივრცის დაგეგმარებისა და ქალაქთმშენებლობითი გეგმების შემუშავების წესის“ მე-19 მუხლის მე-2 პუნქტის შესაბამისად, ქალაქ ბათუმის მუნიციპალიტეტის საკრებულომ გ ა დ ა წ ყ ვ ი ტ ა:

1. ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე (ს/კ 05.30.09.075; 05.30.09.076) წარმოდგენილ გეგმარებით ერთეულზე დამტკიცდეს განაშენიანების დეტალური გეგმის კონცეფცია, თანახმად დანართისა.

2. განემარტოს შპს „ბათნეოინვესტს“ (ს/N 445691546), რომ იგი ვალდებულია განაშენიანების დეტალური გეგმის პროექტში გაითვალისწინოს აჭარის ავტონომიური რესპუბლიკის ფინანსთა და ეკონომიკის სამინისტროს 2025 წლის 26 აგვისტოს N 01-01-10/5683 წერილით დადგენილი პირობები.

3. წინამდებარე განკარგულება შეიძლება გასაჩივრდეს ბათუმის საქალაქო სასამართლოში (მის: ქალაქი ბათუმი, ზუბალაშვილის ქ. N30) მისი კანონმდებლობით დადგენილი წესით გაცნობიდან ერთი თვის ვადაში.

4. განკარგულება ძალაშია ხელმოწერისთანავე.

საკრებულოს თავმჯდომარე

ირაკლი თავდგირიძე

განმარტებითი ბარათი

პროექტის სახელწოდება და სათაური

ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე (ს/კ 05.30.09.075; 05.30.09.076) წარმოდგენილ გეგმარებით ერთეულზე განაშენიანების დეტალური გეგმის კონცეფციის დამტკიცების თაობაზე“ ქალაქ ბათუმის მუნიციპალიტეტის საკრებულოს განკარგულების პროექტი

ა) ზოგადი ინფორმაცია პროექტის შესახებ

ა.ა) პროექტის მიღების მიზეზი და მიზანი:

განკარგულების მიღების მიზანია ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე (ს/კ 05.30.09.075; 05.30.09.076) წარმოდგენილ გეგმარებით ერთეულზე განაშენიანების დეტალური გეგმის კონცეფციის დამტკიცება.

განმცხადებელი - შპს „ბათნეოინვესტ“ (ს/445691546). გეგმარებითი ერთეული - ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე 05.30.09.075; 05.30.09.076.

საპროექტო ტერიტორიის საერთო ფართი ჯამში შეადგენს - 33 650 მ2.

საპროექტო ტერიტორიის კვლევის არეალი შეადგენს 600 მ რადიუსს. საპროექტო არეალში მოქმედებს შემდეგი ფუნქციური ზონები: • ცენტრის ზონა (შზ-2) კ1=0,5/07; კ2=3,2; კ3=0,3; • სპეციალური ზონა • საშუალო ინტენსივობის საცხოვრებელი ზონა 3 (სზ-3) კ1=0,5; კ2=1,8; კ3=0,3; • მაღალი ინტენსივობის საცხოვრებელი ზონა 2 (სზ-2) კ1=0,5; კ2=2,5; კ3=0,3; • სატრანსპორტო ზონა • საწარმოო ზონა • გამწვანებული ტერიტორია. საპროექტო არეალი (ორივე საკადასტრო ერთეული) განლაგებულია საწარმო ზონაში (სზ) დაგეგმილია დახურული ტიპის ხუთ-ცხრასართულიანი საცხოვრებელ კორპუსები. გადაგზავნილი იყო მოსაზრებისათვის ეკონომიკის სამინისტროში, საიდანაც მოვიდა დადებითი რეკომენდაცია იმ პირობით, რომ იგი ვალდებულია განაშენიანების დეტალური გეგმის პროექტში გაითვალისწინოს შემდეგი - წარმოდგენილი გამწვანების პროექტის საპროექტო წინადადება და სამშენებლო მიწის ნაკვეთის გენგეგმა ურთიერთშეუსაბამოა, რომელიც უნდა დაკორექტირდეს განაშენიანების დეტალური გეგმის პროექტის ეტაპზე.

ა.ბ. პროექტის ძირითადი არსი:

ქალაქ ბათუმში, ნონეშვილის ქ. N65-ში და ქ. ბათუმში, ნონეშვილის ქ. N67-ში მდებარე მიწის ნაკვეთებზე 05.30.09.075; 05.30.09.076 წარმოდგენილ გეგმარებით ერთეულზე განაშენიანების დეტალური გეგმის კონცეფციის დამტკიცების თაობაზე განკარგულების მიღება.

ბ) პროექტის ფინანსური დასაბუთება:

ბ.ა) განკარგულების პროექტის მიღებასთან დაკავშირებით აუცილებელი ხარჯების დაფინანსების წყარო: არ გამოწვევს ხარჯებს.

ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე - არ გამოიწვევს.

გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:

განკარგულების პროექტი შესაბამისობაშია უპირატესი იურიდიული ძალის მქონე ნორმატიულ აქტებთან.

დ) პროექტის მომზადების პროცესში მიღებული კონსულტაციები, სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, სპეციალისტები, რომლებმაც მონაწილეობა მიიღეს პროექტის შემუშავებაში და მათი შეფასება პროექტის მიმართ (ასეთის არსებობის შემთხვევაში):

პროექტის მომზადების პროცესში კონსულტაციების არ მიღებულა

ე) პროექტის ავტორი:

ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახური.

ვ) პროექტის ინიციატორი:

ქ. ბათუმის მუნიციპალიტეტის მერი.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის მერიის
ქალაქგანვითარებისა და ურბანული
პოლიტიკის სამსახურის უფროსი
წანაწყენიშვილი

გიორგი